

**Jacobi Alvarez de Paz Opera**

De Vita Spirituali, Eivsqve Perfectione - Libri quinque

**Álvarez de Paz, Jacobo**

**Lvgdvni, 1611**

Non quamcumque charitatem efficie[n]tem esse perfectionem. Cap. x.

---

[urn:nbn:de:hbz:466:1-77833](https://nbn-resolving.de/urn:nbn:de:hbz:466:1-77833)

Bern. ser.  
so. et  
cant.

Matt. 19

Ber. ibid

2. Cor. 12

Matt. 19

actus in vita spiritualis exordio fragiles, in medio robusti, in fine, & perfectione inseparabiles se exhibent, & cum anima ipsa crescente, & proficiente proficiunt. Ilos anima (actibus iam, & operibus ad perfectionem proiecta) solet tamquam portionem premij recipere, ut inter molestias vitae huic, aliquam veluti stillam gustet exultationis celestis. Nam (vt Bernardus ait) charitas in opere maturatur ad meritum, & charitas in affectu datur in premium. Affectus itaque charitatis, valde nos in adiectione perfectionis promouent; sed opera charitatis, cum ad eam menuram peruerterint, quam statim exponemus, sunt ipsa sanctitas, atque perfectio. Nam si in affectione perfectionis summa considereret, certe opera propter dulces affectiones accipienda essent; & cum eas impeditent, aut minuenda essent, aut penitus omittenda. Non tamen ita est, sed potius affectus propter charitatis opera amplectimur, & nonnumquam (ut in istam incumbamus) illas derelinquimus. Quare idem sanctus Pater Bernardus scilicet ait, in hoc negotio illud Domini impletum. Erunt primi mouissimi, & nouissimi primi: ] Quoniam Dei cultum, & internum amoris affectum, sine dubio magis amabilem propter necessaria humanitatis opera sapientia deserimus, & illum, his non sine mercede magna postponimus. Etenim in bene affecta mente (inquit) non dubium, quin dilectioni hominis, Dei dilectione praeponatur, & in hominibus ipsis perfectiores infirmioribus, celum terrae, aeternitas temporis, anima carni. Attamen in bene ordinata actione, sapientia, aut etiam semper, ordo oppositus inuenitur. Nam & circa proximi curam, & plus virginem, & plures occupantur, & infirmioribus fratribus diligentiori sedulitate assistimus, & paci terrae magis quam cali glorie iure humanitatis, & ipsa necessitate intendimus, & temporalium inquietudine curarum, vix aliquid sentire de aeternis permititur, & languoribus nostri corporis, postposita anima cura penè continuè inseruimus, & ipsis deniq; infirmioribus mebris nostris, abundantiorem honorem, iuxta sententiam Apostoli, circudamus. ] Per hoc, quodammodo facientes verbum Domini, de quo habes. Erunt nouissimi primi, & primi nouissimi. ] Orantem denique hominem, cum Deo loqui quis dubitet? Quoties tamen inde, charitate iubente, abducimur, & auellimur propter eos, qui nostra indigent opera, vel loquela: Quoties pè cedit negotiorum tumultibus pia quies? Quoties bona conscientia ponitur codex, ut operi manuum insudetur? Quoties pro administrandis terrenis iustissime ipsis supersedemus celebrandis missarum solemnis? ] Ex quibus manifeste constat charitatis opera, & sanctæ dilectionis effectus potius esse querendos & pra affectibus estimados, quos lex diuina precipit, Deus ipse primo loco suscipiendos iubet, & ordo charitatis exposcit.

Hinc certe illud colligimus solas charitatis affectiones, & dulcia colloquia, ac purissimas mentis suavitates, neminem, nisi ad modum instrumenti perfectum facere, sed opera ex charitate proiecta, quibus omnia mala detestamur, & uerba bona exercemus, mandata custodimus, consilia seruamus, anima puritatem zelamus, & Dei in omnibus voluntatem amplectimur, nos, & ad perfectione perducre, & sanctos ac perfectos efficere. Hæc sunt, quæ Deus à iustis, & sanctis exquirit, ad hæc præstanda omnibus abundantissima auxilia suppeditat, horum rationem in nouissimo die, non à communibus, hominibus tam, sed à sanctissimis, & perfectissimis viris postulabit. Quæ si præstiterint, iusti reputabuntur, & si perfecte compleuerint habebuntur san-

A Eti atque perfecti, licet dulcedine affectuum caruerint, & numquam repperint animæ internam suavitatem. Hanc experiri non omnibus datum est, hæc habere, non est in nostra potestate: eius intendere affectibus, non à cunctis postulat Deus, quos vult rebus exterioribus occupari, laboribus & pressuris affligi, & non solù externis corporis malis, sed etiam internis desolatiibus, & magnis animi tristitiis exerceri. Ab omnibus autem perfectam vitam possumat, odium mali, & amorem boni, & sua voluntatis expletionem efflagitat, quam perfecta charitas implet, non desiderando tantum, sed efficiendo, & cum talis fuerit, ut Dei voluntatem perfecte compleuerit, tunc sanctitatis appellationem obtinet, & sine iniuria alicuius virtutis, nomine perfectionis usurpat.

*Nec quancunque charitatem efficiunt esse perfectionem.*

### C A P V T X.

**S**I charitas efficiens, & nos efficaciter ad mandatorum custodiam instigans perfectio est: cum omnes iusti, & gratia diuinæ participes eam habeant, sequitur omnes esse perfectos. Quare perfectio, non tanta res est quātam hucusque mente concepimus; siquidem minima detestatione peccati, quæ vera contritio sit, cum voto sacramenti, aut ipso paenitentia sacramento ritè suscepimus, statim, sine villa cunctione, suscipitur. Transit etiam homo deuō iustitiam & gratiam adeptus, sine aliquo medio, de extremo ad extremum, dum à summa miseria iniquitatis extractus ad summam vitam spiritualis gloriam, scilicet ad perfectionem eundem. Petit quoque illa communis sanctorum Patrum, recepta que sententia, qua iustorum quosdam incipientes vocant, quosdam proficiens censem, alios vero sanctos, & perfectos appellat. Nullus enim iustorum erit incipiens, nullus proficiens, si vniuersi, quotquot Dei gratiam, & charitatem adepti sunt vita spiritualis infantiam, & iuuentam excedentes, ad virorum perfectorum mensuram peruerterunt, & sanctitatis amplitudinem compararunt. Non est tandem, cur iustos ad perfectionem hortemur, ad currendum incitemus, ad accipiendo sua vocationis trauiū, scilicet sanctitatem, impellamus: cuius possessione gaudemus, eo ipso quod iusti sunt, nec possunt iustitiam, gratiamque tenere, & à perfectione, aut sanctitate separari. sicut enim inepti diuitem ad querendas diuitias, quas habet, aut literatum ad addiscendam scientiam, qua polle, exacuis; Nam persuasio acquirendi aliquid, non in id, quod præsens est, respicit, sed in id, quod absens, & nequum in nostra potestate constitutum est, tendit ita imprudenter perfectum & sanctum ad acquirendam perfectionem, quam habet, impellit. Iustos igitur deinceps ad maiorem perfectionem sequendam incendemus, qui possunt perfectionem augere, & nouos sanctitatis gradus, laboris & industrie prelio, simul cum præsidio gratiae coemere: sed ad deponendas imperfectiones, & ad querendam perfectionem substantiam non excitabimus. Hoc naque eslet actum agere, & oleum, & operam sine villa utilitate consumere.

Hoc loco in memoriam revocanda est illa perfectionis diuisa, qua eam in perfectionem primam, medianam, & ultimam, absolutamque distinximus, Quaram illam primam omnibus iustis diximus esse communem, istam postremam solis beatis, & in-

eterna sede manentibus, experientia cognitā esse probauimus: median verò eximiis iustis, & sanctis viris esse tam, ac concessam astruximus. Hac quidē nos oratione solūm inuestigatōs promisimus, ad quam pertingere, omnem charitatem efficientem, aut efficacem, nequaquam possumus existimare. Licet enim quācumque charitas, quantumvis minima & infantilis, sit perfectio prima, quam omnes iusti, & amici Dei, peccatorum detestatione, & vera in Deum conuerione, conqueruntur; non tamen est perfectio media, aut sanctitas absoluta, quæ se possidentes, non iam incipientes, aut proficientes, sed sanctos, perfectosque constituant. Nam in charitate tres Augustinus gradus agnoscit, primus est, in quo incipiens; secundus, in quo proficiens; tertius, in quo perfecta, & pro modulo huius vita consummata reperitur. Eius verba sunt. Sed numquid charitas mox ut nascitur, iam prorsus perfecta est? Ut perficiatur nascitur; cum fuerit nata, nutritur; cu fuerit nutrita, robatur; cum fuerit robata, perficitur: Cū ad perfectionem venerit, quid dicit? Mihi vivere Christus est, & mori lucrum. Ecce charitas iam nata, quo pacto per tres gradus ad perfectionis substantiam ascendat. Primo nutritur, cū (vt Thomas ait) homo a peccato recedit, & prauis concupiscentiis relinquit, quod incipientium est. Hæc peccatorum fuga, & concupiscentiarum abnegatio, est quasi cibus charitatem sustentans, ne deficiat in via, & instar olei, quod bona vita lucernam faciat. Deinde robatur, cū ad bona procedit opera, & actionibus virtutum intendit. Ita actiones sunt, quæ ad modum corporalis augmenti charitatem augmentant, & in proficientibus grandem, fortē, & plane robustam efficiunt. Tandem perficitur, cum vitiis consopitis, & virtutibus ad opus adductis, mens omnino defacata, & Deo simili effecta, ei inhæret cognitione purissima, & feruidissimo voluntatis affectu. Quod meritò perfectio charitatis dicitur, quia iam non est in hac vita, quod humana mens amplius, aut sublimius ascendat, nisi ut mundo mortua, soli Deo vivat, & ab eo, quod mortalitatis est, cupiat disoluī, & esse cum Christo. Illa ergo charitas, quæ incipiens est, non est perfectio, sed quasi parvula, & recenter nata, fuga mali nutritur, ut aliquando tandem ad statum perfectum ascendat. Similiter illa, quæ proficit, non est perfectio, sed bonis operibus crevit, & robatur, ut post debitam mensuram acquisitam ad perfectionem perueniat. At charitas perfecta, quæ sancta (vt idem Thomas ait) non est omnium iustorum, & perfecte mala abiecit, atque perfecte bonum testata est, Deoque vinculis putatis adhæret, est hominis in hac vita suprema perfectio.

Nam si cuiuslibet charitati perfectionis nomen, dignissime competenter, omnes iusti, tamquam vera charitatem habentes essent vocandi, & censendi perfecti, iniuriāque illis irrogaret, qui dignissimum eis nomen perfectorum adimens, vocaret aut incipientes, aut tepidos, aut imperfectos. Hoc autem incipientum, aut imperfectorum nomen paucum apud Patres sine illa offensione legimus, & nobisipsis pie charitatem habere credentibus, sine aliqua nota difficultatis ascribimus. Patrius virus est Beda, qui illū Davidis versum explicans: Noli emulari in malignis, in hū modum scribit. Sunt in corpore Christi duo genera, scilicet, perfectiores boni, & minus perfecti. Verè enim minus perfecti sūt adhuc illi, qui videntes malos, fāliciter viuentēs, & in omni terra prosperitate florentes, indignantur de flore illorū, & ipsum affectant. Contra hōs tales verò perfectio-

A res, alij agunt instruentes eos, ne murmurarent, de flore malorum, neve ipsum appetat, ne forte eis cōsimiles fiant. Alter est Bernardus, qui iustarum animalium quafdam adolescentulas existimat, quafdam sponsas nomine dignas agnoscat. Illæ animæ perfectæ sunt, illæ verò imperfectæ, quæ quoniam minus sapienti (inquit) mindis & capiunt, nec omnino sufficiunt ad sublimia. Parvula quippe in Christo sunt lacte, & oleo nutrita, & ex yberibus sponsas opus sumere habent, vnde diligent. His addamus alium, nempe Rupertum, qui illud cantorum de Beata Virgine exponens, cuius fuit ipse apprimit̄ deuotus. Sexaginta sunt regina, octoginta concubina, vna est columba mea, & hæc ait. Quid est hoc dicere, nisi quod, eti multæ sunt fideles animæ, & propter fidem, quæ per dilectionem in eis operator, laudabiles, nulla tamen earum, o Maria, tibi similes est, sicut veraciter predicamus; quia Nec primam similem, visa es, nec habere sequentem. Nam regina recte dicuntur illæ animæ, quæ perfectæ charitatis sunt, in eo videlicet, quod eundem dilectum tuum sequentes, nihil terrenum, sed ipsum solum querunt, nec propter metum gehennæ, sed propter amorem vita aeterna peccatum fugiunt, virtutemque amando, iniquitatem oderunt. Concubina vero sunt illæ, quæ sub timore seruunt, nec eius perfectionis, ut super preceptum velint addere consilium, scilicet hoc, ut relictis omnibus, solum sequantur hunc dilectum: habentes quidem in fundamento Christum, sed nihilominus amantes aliquas, quæ huius mundi sunt. Et profecto hoc ad eō notum est, ut superuacaneum sit, & molestū legentibus, aut pluribus rationibus, aut Patrum dīcti confirmare. Quis enim non audiuit Dominum dicentem, quia semina, quæ ceciderint in terra bona, dabant fructum, aliud centesimum, aliud sexagesimum, aliud trigesimum? Terra bona corda infirmorum sunt, ut Salvator ipse interpretetur. Quod autem in terram bonam (inquit) hi sunt, qui in corde bono, & optimo, audientes verbum retinent, & fructum afferunt in patientia. Cuius terra tres possumus sortes assignare. Altera enim est bona, altera melior, tertia vero optima. Terram bonam vocamus incipientes, qui fructum trigesimum, id est, mandatorum custodiā ferunt; terram meliorem vocamus proficientes, qui fructum sexagesimum, hoc est, mandatis consiliorum obsecrationem adjiciunt; terram optimam appellamus perfectos, qui fructum centesimum, perfectam scilicet animæ puritatem, & intimam cum Deo unionem emittunt. Si ergo iustorum, qui charitate aduersus Deum iusti sunt, quidam sunt incipientes, alij proficientes, alij perfecti: manifestum est, quoniam, & ipsa charitas, quæ illos amicos Dei facit, in tres gradus siue partes est distribuenda: ita scilicet, ut quedam sit vita spiritualis incipit, quædā eiusdem vita perfectus, alia vero consummatio, atque perfectio. Nō igitur omnis charitas efficax, sed supremus charitatis gradus, nomine perfectionis gaudet, & substatim media perfectionis inter infirmam terram, & supremam cali habere dignoscitur.

Nec mirum esse debet, quod! iner charitatis gradus, qui omnes eiusdem substantiae sunt, atque naturæ, quemadmodum nomine perfectionis dignum censemus, & alium ab huius nominis & dignitatis participatione rejiciamus: quia multa sunt etiam in rebus humanis, quæ eandem naturam habentia, & aut quantitatem, aut qualitatem mutantia, nomen etiam, & dignitatem mutat. Possessio agelli est paupertas, possessio vero amplissimi, & fertilissimi agri,

qui

Aug. tra.  
5. in Ioā.  
ante me-  
diū.

Philip. 1.

D. Thos.  
2.2. q.  
24. ar. 9.

Psal. 36.

Beda in  
Psal. 46.Bern. ser.  
19. in  
cant.Can. 6.  
Rupers.  
lib. 6. in  
cant.

Matt. 13.

Luce 8.

Bern. fer.  
27. in cat.1. Cor.  
13.

Matt. 5.

Matt. 5.

qui etiam homini ad lucrum sufficiat, diuitiae nominatur; cum tamen inter agellum, & agrum sola sit, non natura, sed quantitatis magnitudinisque diversitas. Modicum auri reconditum non est thesaurus, magna autem auri copia recondita, cuius iam non inueniatur dominus, est, & vocatur thesaurus. Magna rerum diuinarum & humanarum cognitio, sapientia, & magna corporis firmitudo, robustum, & magna rerum gerendarum dexteritas, prudentem facit; parua vero cognitione ignorantem, parua firmatas corporis imbecillum, & parua in rebus agendis aptitudo imprudentem derelinquit. Sic parua charitas, quae universa mentis mala non tollat, non affectuum prauitatem cohibeat, adhuc hominem imperfectum deserit; magna vero charitas, quae hanc interiorum affectuum nostrorum tempore publica optimè moderatur, & nos, & omnia nostra, tum per seipsum, tum aliatum virtutum beneficio perfectè Deo subiicit, & hominem non solum erit inibus, verum etiam imperfectionibus liberat, efficit in virtute perfectum. Nec obscurè Bernardus hoc docuit, immo apertissime affirmavit, altruis parua charitate, nos patuos, hoc est, imperfectos relinquere; sed magnam magnos, scilicet sanctos, & perfectos constitutre. Eius verba sunt. Ergo quantitas cuiusque animæ estimetur de mensura charitatis, quam habet, ut verbi gratia, quæ multum habet charitatis, magna sit, quæ parum, parua, quæ vero nihil, nihil. Dicente Paulo: Si charitatem non habuero, nihil sum. Deinde statim late explicat, quam charitatem modican, & quam magnam ac perfectam censeat. Nam modica est, quæ diligentes se diligit, & sibi benefacientibus, & ipsa benefacit, salutansque se salutem. Et vere modica quæ puerilitatem publicanorum, & Ethnicorum non transilit. Quare Domini correptione est, qua puerillos, id est, paruus diligentes reprehendit: Si diligitis eos qui vos diligunt, quam mercede habebitis? Nonne & publicani hoc faciunt? Et si salutaueritis fratres vestros tantum, quid amplius facitis? Nonne & Ethnici hoc faciunt? Maiuscule est, que iam gratis & non alicuius commodi obtenuit diligenter, & seipsum non ad notos angustat, sed ad ignotos, ad extraneos, ad nulla carnis cognitione coniunctos suum dilectionis extendit. Quis enim ambigat eam maiorem esse, quæ omnes sine villa exceptione capit, quam illam quæ paucos tantum, aut notos, aut amicos, aut sodales, aut consanguineos comprehendit? At illa grandis est, & planè perfecta, quæ inimicos amore complectitur, odites diligit, injuriam irrogantes salutem, contemnentes laudat, persequentes, oratione, & beneficiis iuuat. Ad quam Dominus nos exhortans, ait: Diligite inimicos vestros, ut sitis filii patris vestri, qui in celis est. Et estote perfecti, sicut & pater vester celestis perfectus est. Sicut ergo qualibet naturalis substantia, ut verbi gratia hominis, in tres veluti gradus distribuitur, quorum primus tenellus, & infantilis, & debita firmitate definitus infantibus, ac pueris nomenclaturam attribuit; secundus robustior, & firmior, adolescentes iuuenesque cognominat, & maiorem perfectionem impertit: tertius vero naturam hominis, omnibus numeris absolutam obtinens, viros constituit, & is solus est naturæ humanae columnæ, hominisque in naturalibus summa perfectione: Ita charitas, quam vitam spiritualem vocamus tribus supra dictis gradibus constat, quorum primus iuuentiam spiritualis vita, secundus iuuentiam, tertius perfectionem continet, cui soli perfectionis nomen debetur, & sanctitatis appellatio conceditur.

A Sed quis est iste charitatis gradus qui ad rationem usque perfectionis accessit, & nomine perfectionis dignus censetur? Hoc opus, hic labor est. In quo multa subtiliter disputari possent, quæ scholis relinquenda sunt, & ab hac tractatione consultò reicienda, in qua non tam intellectum instruere, quam voluntatem excitare, & ad perfectionis amorem mouere curamus. Illud à nostro instituto non est alienum, non posse nos aliquem charitatis gradum signare, ac verbis exprimere circa quam iustus imperfectus sit, & in quo, aut ultra quem iam sit vocandus sanctus, atque perfectus. Licet enim fortassis sit aliqua charitatis mensura, magna quidem in se, sed minima inter amoris gradus, qui sufficiat cor humana omnino compondere prout haec vita fert, & affectus comprimate, & hominem in virtutum exercitatione perficie, circa quam homo, neque constanter malum fugiat; nec affectus moderatos habeat, nec virtutes exerceat, nec mentem iugiter Deo adhaerentem possideat: (quod ad habendam perfectionem necessarium est) tamen hanc mensuram intellectus humanus non callet, neque in se ipsa, sed, ut statim dicemus, tantum per effectus agnoscat. In opibus quidem temporalibus bene possumus pro regnorum aut prouinciarum qualitate lignare certam, aut pecuniam, aut auri, & argenti, aut ailiarum rerum sumam, quam quis saltè possidere debeat, ut diues appelleretur, ut verbi gratia, in hoc regno Peruensi (in quod iussu Prelatorum concessimus, & ex Hispania demigrauimus) quia opibus beneficio creatoris satis abundant, diues est homo honestis parentibus natus, cuius substantia triginta mille aureis estimatur, & qui minus habet, ut viginti, aut decem, aut quinque mille aureos, non dicitur diues; qui tamen in alio regno, ut inter Astures, aut Cantabros, diues, & pecuniosus diceretur. At in opibus animæ nemini mortalium datum est, ita status, & qualitates iustorum metiri, ut quisque vere dicat: qui habuerit haec charitatis mensuram erit perfectus, & qui ad eam non perueniret, non erit perfectus; sed hoc Deus, qui numerat multitudinem stellarum, & omnibus eis nomina vocat, sibi ipsi cognoscendum reseruauit. Ille solus est, qui sicut charitatem facit, & mentibus iustorum infundit, ita optimè notit, quæ charitatis mensura, quemlibet hominem optimè moderabitur, & ad perfectionem adducet. Nos ergo hanc charitatem, quæ prima perfectio, aut donum minimi virtutis perfecti sit, nequaquam inquiramus, quam proculdubio inuenire non possumus. Quinimo meminerimus illius sententiam, quia Ecclesiasticus nimia sciendi, & inquirendi curiositatem cohibet. Altiora te ne quæsieris, & fortiora te ne scrutatus fueris; sed quæ praecipit tibi Deus, illa cogita sèper &c in pluribus operibus eius ne fuoris otiosus. [Cuius caulas reddit. Quia non est nobis necessarium ea imprudenter inuestigare, quæ Deus abscondita mortalibus esse voluit. Et quia plurima super sensum hominum monstrata sunt nobis, in quibus sat est ingenium nostrum occupari, & eorum consideratione detineri.]

Nec etiam sciemus, aliquam maximam charitatis mensuram cognoscere, quam virtus iusti in hac vita possint assequi, & maiorem aliam non possint adipisci. Omnes enim, quoad vivunt, quantamcumque perfectionem habeant, valent maiorem, & sublimiorem habere, & copiosiores sanctitatis diuitias comparare. Omnibus dicit Salomon. Manè semina semen tuum, & vespera ne celsit manus tua, quia nescis, quid magis oriatur, hoc, aut illud, & si utrumque simul, melius est.] Manè quippe seminar, est, in tempore iuuentutis opera virtutis proferre, &

P. 146.

Ecclesiast.

Ecclesiast.

vespere

Dam. sc.  
orat. de  
dormit.  
Virginis.

Heb. 13.

Gen. 47.

Iob. 21.

Greg. 15  
mora. 35.

Amb. in  
psal. 118  
ser. 4. ver.  
2.

Aug. ser.  
15. de  
verbis  
Apof. c.  
15.

vespere non cessare, in senectute virtutum actiones præstare; quas si perfectissimi; & sanctissimi viri, quamdiu viuunt, exercere debent, constat, quia numquam ad eam perfectionis mensuram peruenient, quin ad aliam maiorem, & præstantiorem peruenire queant. Vnde sapienter dixit Damascenus. Morte sanctoros omnino perfici, sanctosque ostendit; qua id ipsi assert, ut in eorum virtutem nulla iam mutatio cadat.] Vtque ad mortem ergo possunt in melius mutari, & maiorem virtutem, puriorum vitam, & sublimiorem charitatis perfectionem conquirere. Quod & nomen ipsis ab Spiritu sancto in diuinis literis datum, id perspicue indicat, in quibus passim vocantur viatores. Paulus ait. Non habemus hic manentem ciuitatem, sed futuram inquirimus.] Et sanctus Iacob, hominis vita nomine peregrinationis vocat. Dies (inquit) peregrinationis meæ centum triconta annorum sunt, pauci, & mali. Nec non patiens Iob. Interrogate quemlibet de viatoribus, & hæc eadem illum intelligere cognoscetis, quia in diem perditionis seruatur malus.] Viatores hoc loco iusti dicuntur. Nam (vt Gregorius ait) Viator est, qui præalentem vitam viam esse ibi, & non patriam attendit, qui in dilectione prætereuntis sæculi cotigere despicit, qui non remanere in transiuntibus, sed ad æternam peruenire concipit. Atque in eandem sententiam Ambrosius, omnes homines, tam peccatores, quam iustos, viam aliquam ambulare exigit. Qui facit (inquit) voluntates carnis, & viuit secundùm concupiscentiæ mundi huius, vias suas ambulat, quibus delectatur, & gaudet. Qui autem venit voluntatem facere Patris sui, qui in cælis est, cui cibus est, vt mandatum Dei compleat, qui non querit, quod voluntatis sit, sed quod placeat Deo; ille viam Domini pergit.] His concinit Augustinus. dicens: Videtis, quia viatores sumus. Dicatis, quid est ambulare? Breuiter dico; proficere, ne forte non intelligatis, & pigrus ambulet.] Quare, rogo, omnes iusti quantamlibet sanctitatem acquisierint, viatores vocatur, nisi quia dum viuunt, possunt magis proficere, altius ascendere, proprius Deo per vitæ puritatè appropinquare?

A Semper ergo quamcumque perfectionem habeant possunt eam nouis augmentis cumulare, & ditiores, ac pulchriorem efficer.

B Verum est secundum dispositionem diuinam, esse aliquam maximam perfectionem, ad quam natura humana, vel Angelica potuit ascendere: & quamnumquam poterit superare: Hæc autem est, quæ Deipara Virgo omnibus sanctissimæ vitæ sua operibus est assequuta. Quæ enim mater est Dei, & hominum, arque Angelorum Domina, & præ ceteris, non tamquam ancilla, aut amica, sed tamquam sponsa, & tamen quam mater à Deo dilecta, & cuius opera penè infinitis partibus omnium sanctorum Angelorum & hominum opera præcelluerūt, & cuius gloria tamquam matris, & sponsæ omnium seruorum gloriam, quasi infinita, superat, certissimum est, quia quilibet sanctum, etiam supremum Seraphim, mirum in modum perfectione antecedit, & valde credibile, quod omnibus sanctis, simul acceptis, maior sanctitatis gloria, & perfectior existit. Quare sapienter, & sine villa exaggeratione Chrysostomus ait. Magnum revera miraculum fuit semper Beata Virgo Maria. Quid namque illa maius, aut illustrius, vlo unquam tempore inventum est, seu aliquando inueniri poterit? Hæc sola calum, ac terram amplitudine superauit. Quidnam illa sanctius? Non Propheta, non Apostoli, non Martyres, non Patriarchæ, non Angeli, non Throni, non Dominationes, non Seraphim, non Cherubim, non denique aliud quidpiam inter creatas res visibilis, aut inuisibilis maius, aut excellens inueniri potest.] At istam maximam perfectionem nos mente nos capimus, imò nec celestes spiritus, licet eam videant, plenè cognoscunt. Ad quam certi sumus, quia nullus sanctus, quantumvis currat, accedit, nec à longè salutabit: quoniam Beata Virgo est omnibus predestinatis gratia viribus fortior, bonorum operum cursu velocior, & animositate ad expugnandum cælestem sedem, audacior. Si ergo nec minimam, nec maximam charitatem, quæ perfectio sit nouimus, an aliquo modo, charitatis perfectionem explicare possumus, in sequentibus videamus.

Chrys.

## PARS SECUNDA

### DE ALTERA PERFECTIONIS PARTE, SCILICET DE CHARITATE DEI.

 ERAM Dei, & proximi charitatem affirmatiuis perfectionem esse, nunc, quæ charitas erga Deum, & quæ charitas erga proximum sit perfectio à prima illa incipiendo, videamus. Quoniam charitas erga Deum, (vt postea dicetur) amoris erga proximum origo est, & eam nobilitate superat, quare necesse est, vt in serie tractationis huius, primum locum obtineat. Hanc vero primum in seipsa, deinde ex quibusdam similitudinibus, postea ex affectibus quos in sanctis animabus ostendit, ac tandem ex verbis, & precepto Dei, quo istam perfectionis partem mandauit, explicare tentabimus. Magni enim momenti est perfectionem agnoscere, ne quis eam magnis laboribus querens, & in notitia errans, pro vera perfectione non veram, aut profane medium, & instrumentum exquirat.

Quæ